



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Mvndvs Et Mvndi Partes, Divinæ Bonitatis Ac Ivstitiæ
Præcones**

Stengel, Georg

Ingolstadt, 1645

§. 10. Cur aliquando fulmina & tempestates sæviant in innocentes?

[urn:nbn:de:hbz:466:1-52365](#)

thaginensi Arriano Episcopo, in Balneo publico, SS. Trinitatem detestante, tribus fulminibus iacto, & in cineres redacto; sed etiam de Chuga Barbaroru in Theodosium conspirantium duce fulmine tacto legimus.

Sic de Rege Francorū Theodorico memo- **Gregor.**
rat D. Gregorius Turonensis; nam dum fe- **Turon.**
neſtras atq; ianuas templi fregiſſer, vt eō re- **li. 3. c. 12.**
ceptos ſpoliaſet, fulmine de cælo tactus in- **de reb.**
ferti raptoris ſpolium ipſe fuit. Sic, in Per- **Franc.**
uana hiftoria, refertur, gentem quandā gi- **Ioſeph. à**
ganteæ magnitudinis Sodomitico peccato **Colta. li.**
fœdatam, Sodomitico etiā ſupplicio perijſ- **i.c. 19. de**
ſe. Descendit enim de cælo, viſibili forma, **Nat. noui**
juuenis, qualē Daniel deſcribit, inſtar ſolis **orb.**
radios jaciens. Hic, coruſcante manu,
trifulca fulmina ſuperne in eos ſparsit, om-
nēſque, ad vnum, momento extinxit. Aiunt
veſtigia horrendæ aduſtionis, tam in ſaxis,
quam in oſſibus interfectorum, adhuc repe-
riri. Paripacto multas & ædes, & vrbes, &
homines, incendia depopulantur, Deo ſce-
lera vindicāte, qui etiā in vindictam male-
factorum, ignem æternum, diabolo, & Ange- **Matth.**
lis eius, preparauit. **25. 41.**

§. X.

Cur aliquando fulmina & tempeſtates ſaniant
in innocentis?

Quan-

Quanquam hoc mirum non est, si vel extimulet, ad flagitia deserenda, Devs; vel ea deserere nolentes, fulminibus, grandinibus extinguat. Mirissimum est, tempestates non raro malis parcere, ac saeuire in innocentes. Cur hoc Devs agit? cur permittit? Mille caussas habet, siue agat, siue permittat. Quis enim ei præscribat, qua ratione debet exercere innocentes, aut, è vita hac, ad se, in momento euocare, quod fecit, quando sanctum illum virum, tot virtutibus ac miraculis insignem Simeonē Stilitā fulmine de columna deiectum, ad cælum euexit. Tametsi enim Ecclesia rectè nos doceat orare: à fulgure & tempestate; itémque, à subitanea, & improuisa morte, libera nos Domine; quia multos fulmē & subitanea, ac præsertim improuisa mors inuenit imparatos: si tamē quis ad moriendum sit paratus, atq; ad extremū illum agonem accinctus, grande potest esse, & corpori & animæ beneficium mors subitanea, siue celeri sagittâ, siue globo plumbeo, siue gladio ferreo, siue fulmine illata; antē enim, quam mors talis sentiatur, iam est transacta: aut certè idem est tangi & mori, sentire & finire dolorē. Quantis igitur molestijs mōrborum & pharmacorū, & hæreditatem

ditatem ambientium, & insomniorum, & tormentorū liberat mors præcipitata? quæ etiā magno compendio, absoluit animas ad moriendum semper paratas. Nam quantis ea angoribus, quantis dæmonum machinationibus, quantis temptationum procellis filum incidit? Grata est mors mortem optantibus, si cito venit; & quò compendiosior; eò clementior. Solet etiam Deus malo dæmoni non rarò potestatem facere, vt grandines spargat, vt fulmina jaciat, vt nimbis, turbinibus, pruinis agros populetur. At tunc, quid mirū est, si dæmon innocentes vexet, & sibi seruientibus parcet, in stipendijs mercedem? Notum est, cur Iobum, igne de cælo cadente, exagitārit. voluit scilicet nocentem atque impatientem facere, ex innocentie: voluit Dei amicū exagitare. Deus autem voluit amici sui constantiā atq; fortitudinem toti mundo velut in theatrū producere. Neq; grande beneficium est, si malorum satis & pratis parcit humanæ gentis inimicus. Nunquam is parcit, nisi vt sœuiat.
Hostium dona, non sunt dona.

§. X I.

*Cur tempestates aliquando parcant
nocentibus?*

In